

Miror quod neque viderim Queri Floram Hispanicam neque eam ab ullo allegatam.

D. Vandelli non modo ad me misit monographiam suam de Draconis arbore, sed et flores plurimos optime exsiccatos. Habeo et arborem vivam. Dum Crantzius distinguit hæc duo genera, debet primum demonstrare has duas plantas esse diversæ speciei, quod non credo; neque umquam erit.

Ille qui faciem meam e Gypso confecit jussu S. Reginae nostræ, ut in ejus museo parieti affigeretur, nunc Romæ degit, et ille sine dubio is est, qui Tibi copiam promisit, quam utut accepero mittam Hafniam.

Ferber, olim meus discipulus, fuit certe acutissimus juvenis et certe unicus meorum, qui rite potuit capere prolepsin plantarum, de qua sub meo moderamine dissertationem habuit.

a Monsieur Mons^r M. T. Brunniche Professeur d'Oeconomie et Hist. natur. dans l'universite de Copenhage
frij br. Copenhage

[Uden Datum. Paa Brevets Bagside har Brünnich skrevet: »bekommet d. 10 Aug^d«, hvilket maa være Aug. 1769, da Brevet er en Besvarelse af Brünnichs Brev af 2. Juli 1769; see foran Nr. 48, S. 426—28.]

(7) Viro Celeberrimo
D. D. Martin Brunnichio
in Acad. Hafniens. Profess. publ.
Amico suo sincero
s. pl. d.
Car. v. Linné

Non possum effari quanta cum voluptate legi Tuas d. 1. Junii datas, quas nunc nimis sero accepi.

Gratulor Tibi non tantum felicissimum ad Tuas reditum, sed et munus honorificentissimum et omnia ista commoda quæ pro scientia obtinuisti. Opto avide videre istum diem quo hic Te coram intuear, et a Te addiscere, quæ remotus a doctis viris non potui attingere.